

К ОПУБЛИКОВАНИЮ

КОМИ РЕСПУБЛИКАСА ОЛАНПОДУВ ЁРД

Гражданин Рябков Георгий Иосифовичлөн норасьём серти “2020 во вылө Коми Республика мутасын меститчысь уна патераа керкаясын отувья эмбур капиталнӧя дзоньталӧм вылө внослысь медичӧт мындасӧ урчитӧм йылысь” Коми Республикаса Веськӧдлан котырлӧн 2019 во ӧшым тӧлысь 20 лунся 616 №-а шуӧмлысь оланподувлы лӧсялӧмсӧ прӧверитӧм йылысь делӧ серти Коми Республикаса Оланподув Ёрдлӧн шуӧм

Сыктывкар

2020 вося лӧддза-номья тӧлысь 3 лун

Коми Республикаса Оланподув Ёрд, кӧнӧ веськӧдлысьнас вӧлі В.В. Кретов, ёрдысьяснас Д.Н. Басманова, Н.В. Боковикова, А.В. Проскуров,

Коми Республикаса Оланподувлӧн 96 статьяса 3 юкӧнӧ, “Коми Республикаса Оланподув Ёрд йылысь” Коми Республикаса Оланпасын 3 статьялӧн 1 юкӧнса 2 пунктӧ, 90, 91, 92 да 93 статьясӧ кутчысьӧмӧн,

видлаліс ёрдлӧн восьса заседание дырйи “2020 во вылӧ Коми Республика мутасын меститчысь уна патераа керкаясын отувья эмбур капиталнӧя дзоньталӧм вылӧ внослысь медичӧт мындасӧ урчитӧм йылысь” Коми Республикаса Веськӧдлан котырлӧн 2019 во ӧшым тӧлысь 20 лунся 616 №-а шуӧмлысь оланподувлы лӧсялӧмсӧ прӧверитӧм йылысь делӧ.

Тайӧ делӧсӧ видлалан помкаӧн лои Г.И. Рябковлӧн норасьём, а видлалан подулӧн – эрдӧдӧм гӧгӧрвотӧмлун сы серти, лӧсялӧны-ӧ Республикаса Оланподувлы Коми Республикаса Веськӧдлан котырлӧн вылынджык вайӧдӧм помшуӧмлӧн положениеясыс.

Ёрдысь-докладчик А.В. Проскуровлысь юӧртӧмсӧ кывзӧм бӧрын,

сетӧм документъяссӧ да мукӧд материалсӧ туялӧм бӧрын Коми Республикаса Оланподув Ёрд

ш у и с:

1. Гражданин Г.И. Рябков шыӧдчис Коми Республикаса Оланподув Ёрдӧ сы могысь, медым прӧверитны “2020 во вылӧ Коми Республика мутасын меститчысь уна патераа керкаясын ӧтувья эмбур капиталнӧя дзоньталӧм вылӧ внослысь медичӧт мындасӧ урчитӧм йылысь” Коми Республикаса Вескӧдлан котырлӧн 2019 во ӧшым тӧлысь 20 лунся 616 №-а шуӧмлысь оланподувлы лӧсялӧмсӧ (водзӧ – Коми Республикаса Вескӧдлан котырлӧн шуӧм).

Норасьӧмын шыӧдчысь корӧ шуны Коми Республикаса Вескӧдлан котырлӧн вылынджык вайӧдӧм помшуӧмлысь положениеяссӧ Коми Республикаса Оланподувлы, сылӧн 4, 7, 10, 15, 18, 47, 65 статьяяслы лӧсявтӧмӧн.

Норасьӧмсӧ подулалӧмын Г.И. Рябков индӧма, мый тайӧ нормативнӧй инӧда актлӧн положениеясыс, 2020 во вылӧ “Усинск” кар кытша муниципальнӧй юкӧнын уна патераа керкаясын ӧтувья эмбур капиталнӧя дзоньталӧм вылӧ внослысь медичӧт мындасӧ урчитан юкӧнын, торкӧ сылысь оланподув инӧдьяссӧ сы вӧсна, мый уна патераа керкаясын ӧтувья эмбур капиталнӧя дзоньталӧм вылӧ внослысь медичӧт мындасӧ водзджык вына взнос мында серти кыпӧдӧма экономика боксянь подулавтӧг, капиталнӧя дзоньталӧм вылӧ внослӧн колана мындагысь значениеяссӧ да капиталнӧя дзоньталӧм вылӧ внослысь медыджыд мындасӧ выль пӧв донъявтӧг.

Тагысь кындзи шыӧдчысь пыртӧ уна патераа керкаясын ӧтувья эмбур капиталнӧя дзоньталӧм вылӧ вноссӧ вот мынтӧмьяс лыдӧ да чайтӧ, мый внослӧн урчитӧм мындагыс торкӧ сылысь оланподув инӧдьяссӧ да

оланпасён урчитём вот да өктас мынтыны кывкутана могъяссө да лёкмөдө сылысь, кызди вот мынтысьлысь, оланногсө.

Коми Республикаса Оланподув Ёрд “Коми Республикаса Оланподув Ёрд йылысь” Коми Республикаса Оланпасын 3 статьялөн 1 юкөнса 2 пункт, 68 статьяса 2 да 3 юкөнъяс серти видлалё нормативнөй инөда актён, мыйён вөдитчөны либө кутасны вөдитчыны торъя делöын, гражданалысь оланподув инөдъяссө да вöлясө торкалём вылө норасьöмъяс серти Коми Республикаса Оланподувлы лöсялём йылысь делöяссө; примитö помшүöмъяссө сöмын сэтшöм видлалантор серти, кутшöмöс индöма шыödчöмын, да сöмын актлөн сийö юкөн серти, кутшöмлысь оланподувлы лöсялёмсö лыддьöны лöсявтöмөн. Та дырйи Коми Республикаса Оланподув Ёрд примитö делö серти помшүöмсö видлалан актлысь кызди веськыд вежöртассö, сідзи и официальной да мукöд актён гөгөрвоöдан вежöртассö либө инөдөн вөдитчан артмём практикаын сылысь вежöртассö донъялёмөн, а сідзжö инөда актъяслөн системаын сылөн ин вылө мыджсьöмөн.

Коми Республикаса Оланподув Ёрд Коми Республикаса тайö жö Оланпаслөн 3 статьяса 2 да 3 юкөнъяс серти решайтö сöмын инөд серти юалöмъяссö, оланподув судопроизводство дырйи сийö кутчысьö збыль лоёмторъяс урчитöмысь да туйлöмысь став случайын, кор тайö пырö мукöд ёрдлөн либө мукöд органлөн компетенцияö.

Татшöм ногөн, тайö делö серти видлаланторйөн лоö “2020 во вылө Коми Республика мутасын меститчысь уна патераа керкаясын öтувья эмбур капиталнöя дзоньталём вылө внослысь медичöt мындасö урчитём йылысь” Коми Республикаса Веськөдлан котырлөн 2019 во öшым тöлысь 20 лунся 616 №-а шуöмын 1 пункт сийö юкөннын, көнi сыөн урчитöма 2020 во вылө “Усинск” кар кытшса муниципальной юкөннын уна патераа керкаясын öтувья эмбур капиталнöя дзоньталём вылө внослысь медичöt мындасö, а стöчджыка кö, тайö нормалөн положениеяслысь Коми

Республикаса Оланподувлы лөсялөмсө прөверитөм, мый гарантиуйтө мортлысь да гражданинлысь инөдьяс да вөля пыдди пуктөмсө, нао кутчысьөмсө да найос дорйөмсө (4, 7, 10, 15 статьяяс), кутшөм оз сет позянлун йөзөдны оланпасьяс, кутшөмьяс дугөдөны либө чинтөны индөм инөдьяссө да вөлясө (18 статья), а сідзжө гарантиуйтө оланпас серти урчитөм вот да өктас мынтан кывкутана могьяс збыльмөдөмсө (47 статья).

2. Россия Федерацияса Оланподулын 72 статьялөн 1 юкөнса “к” пункт, Коми Республикаса Оланподулын 64 статьялөн 1 юкөнса “к” пункт серти оланін оланпастэчас пырө Россия Федерациялөн да Коми Республикалөн өтувья веськөдлөмө.

Россия Федерациялөн да Россия Федерацияса субъектыяслөн өтувья веськөдлөмө пырысь предметьяс серти йөзөдсьөны федеральнөй оланпасьяс да на серти примитсьөны Россия Федерацияса субъектыяслөн оланпасьяс да мукөд нормативнөй инөда акт (Россия Федерацияса Оланподувлөн 76 статьяса 2 юкөн, Коми Республикаса Оланподувлөн 64 статьяса 2 юкөн).

“Россия Федерацияса субъектыяслөн оланпас пыртысь (бөрийөм) да олөмө пөртысь канму власьт органьяс котыртан өтувья принципьяс йылысь” 1999 во йирым тöлысь 6 лунся 184-ФЗ №-а Федеральнөй оланпаслөн 26.1 статьяса 2 пункт серти уджмогьяс, кутшөмьясөс збыльмөдөны Россия Федерацияса субъектлөн канму власьт органьяс өтувья веськөдлөмө пырысь предметьяс серти, урчитсьөны Россия Федерацияса Оланподулөн, федеральнөй оланпасьясөн, уджмогьяс юклөм йылысь сёрнитчөмьясөн да артмөдчөмьясөн, а сідзжө Россия Федерацияса субъектыяслөн оланпасьясөн.

Россия Федерацияса оланін кодекслөн 2 статьяса 6.1 пунктөн урчитөма, мый канму власьт органьяс да меставывса асвеськөдлан органьяс асланыс уджмогьяс серти могмөдөны гражданаөн оланін вылө инөдьяс збыльмөдан условиеяссө, сы лыдын котыртөны уна патераа

керкаясын өтүвья эмбурсө татшөм керкаясын жырьяс киын кутысыяслөн уна патераа керкаясын өтүвья эмбур капиталнөя дзоньталөм вылө взносыяс, сьөмкуд сьөм да мукөд оланпасөн абу өлөдөм сьөмөн могмөдан өшмөсыяс тшөт весьтө ас кадө капиталнөя дзоньталөм могмөдөмсө.

Россия Федерацияса субъектлөн канму власьт органьяс примитөны нормативнөй инөда актьяс, кутшөмьясөс веськөдөма Россия Федерацияса субъектлөн мутасын меститчысь уна патераа керкаясын өтүвья эмбур ас кадө капиталнөя дзоньталөмсө могмөдөм вылө, да кутшөмьяс, стөчджыка кө, урчитөны уна патераа керкаын өтүвья эмбур капиталнөя дзоньталөм вылө взнослысь медичөт мындасө (Россия Федерацияса оланін кодекслөн 13 статьяса 8.2. пункт, 167 статьялөн 1 юкөнса 1 пункт).

Россия Федерацияса оланін кодекслөн 156 статьяса 8.1 юкөн серти капиталнөя дзоньталөм вылө взнослөн медичөт мындаыс урчитсьө Россия Федерацияса субъектлөн нормативнөй инөда актөн методика боксянь рекомендацияс серти, кутшөмьясөс вынсьөдөма Россия Федерацияса Воськөдлан котырөн уполномочитөм федеральнөй олөмө пөртысь власьт органөн, пөрадокын, кутшөмсө урчитөма Россия Федерацияса субъектлөн оланпасөн, жырлөн өтүвья площадь серти, кутшөмсө сийө босьтө уна патераа керкаын, кутшөм лоө татшөм жырсьө киын кутысылөн эмбурөн, да сийөс позьө торйөдны муниципальнөй юкөн серти, көні меститчө уна патераа керкаыс, сылысь сикассө да судта лыдсө, уна патераа керкалысь стрөйтчан конструкциясса да инженернөй системаясса торья элементьяссө капиталнөя дзоньталан донсө, очереднөя капиталнөя дзоньтавтөдз (нормативнөй ремонткостса кадколастьясөдз) найөс нормативнөй кадколастьясө окталуна уджөдөмсө төд вылө босьтөмөн, а сідзжө уна патераа керкаын өтүвья эмбур капиталнөя дзоньталөм серти уджьяслысь лыддьөгсө төд вылө босьтөмөн, кутшөмсө урчитөма Россия Федерацияса оланін кодексөн да Россия Федерацияса субъектлөн нормативнөй инөда актөн.

Республиканскöй оланпас дасьтысьöн, кодi уджалö аслас дискреционнöй уджмогъяс серти да вылынджык вайöдöм федеральнöй оланпастэчас серти, примитöма “Коми Республика мутасын меститчысь уна патераа керкаясын öтувъя эмбур капиталнöя дзоньталöмсö котыртöм йылысь” 2013 во лöддза-номъя тöлысь 24 лунся 57-РЗ №-а Коми Республикаса Оланпас (2019 во öшым тöлысь 9 лунся Коми Республикаса Оланпас серти), кöни индöма Коми Республика мутасын меститчысь уна патераа керкаясын öтувъя эмбур ас кадö капиталнöя дзоньталан инöда да котыртан подувъяссö, урчитöма тайö юкöнын Коми Республикаса Вескöдлан котырлысь уджмогъяссö, а сiдзжö капиталнöя дзоньталöм вылö взнослысь медiчöt мында индан да урчитан пöрадоксö.

Стöчджыка кö, Коми Республикаса вылынджык индöм Оланпаслөн 3 да 8 статьясöн урчитöма, мый Коми Республикаса Вескöдлан котыр индö капиталнöя дзоньталöм вылö взнослысь медiчöt мындасö, кутшöм торьялö Коми Республикаса муниципальнöй юкөнъясын Россия Федерацияса оланiн кодексын 156 статьялөн 8.1 юкөнса положениеяс серти.

Капиталнöя дзоньталöм вылö взнослөн медiчöt мындаыс быд во индысьсö капиталнöя дзоньталан дiнму уджтас збыльмöдан локтан во вылö да урчитсьö уна патераа керкаын öтувъя эмбур капиталнöя дзоньталöм серти услугаяс да (либö) уджъяс сьöмөн могмöдöм вылö сьöмын коланлунсö да уна патераа керкаясын стрöитчан конструкцияслөн да инженерно-техническöя могмöдан системаяслөн параметръяслысь да мукöд характеристикалысь безопасносът серти корöмъяслы лöсялысь проектнöй значениеяссö бөр лöсьöдны коланлунсö донъялан подув вылын уна патераа керкаяс бурмöдан тшупöдсö, конструктивнöй да технической параметръяссö, Коми Республикаса республиканскöй сьöмкуд сьöм да (либö) Коми Республикаын муниципальнöй юкөнъяслөн меставывса сьöмкудьяс тшöt весьтö капиталнöя дзоньталöм вылö рöскöд содтöд

сьомөн могмөдны позянлунъяссө төд вылө босьтөмөн (Коми Республикаса Оланпаслөн 8 статьяса 3 да 5 юкөнъяс).

Сы могысь, медым пөртны олөмө федеральной да республиканской вылынджык индөм оланпастэчаслысь корөмъяссө, Коми Республикаса Велькөдлан котыр примитөма “2020 во вылө Коми Республика мутасын меститчысь уна патераа керкаясын өтувья эмбур капиталнөя дзоньталөм вылө внослысь медичөт мындасө урчитөм йылысь” 2019 во өшым төлысь 20 лунся 616 №-а шуөм, көні 1 пунктөн индөма 2020 во вылө Коми Республика мутасын меститчысь уна патераа керкаясын өтувья эмбур капиталнөя дзоньталөм вылө внослысь медичөт мындасө, сы лыдын “Усинск” кар кытша муниципальной юкөнлы.

Татшөм ногөн, Коми Республикаса Велькөдлан котырлөн шуөмын вылынджык вайөдөм положениеясыс сөгласуйтчөны федеральной да республиканской оланпастэчаслөн нормаяскөд, найөс велькөдөма оланін вылө оланподув инөд олөмө пөртан да збыльмөдан условиеяс лөсьөдөм вылө, стөчджыка кө, республика мутасын уна патераа керкаясын өтувья эмбур ас кадө капиталнөя дзоньталөмсө могмөдөм вылө, уна патераа керкаяссө санитарной да технической корөмъяслы лөсялана состояниезын видзөм вылө, лөсялөны жырьяс кыын кутысьяслөн өтувья интересьяслы да та вөсна оз торкны гражданысь оланподув инөдъяссө да оз мунны паныд Коми Республикаса Оланподувлы, сьлөн 4, 7, 10, 15, 18 статьяслы.

Сы могысь, медым донъявны “Усинск” кар кытша муниципальной юкөннын 2020 во вылө уна патераа керкаясын өтувья эмбур капиталнөя дзоньталөм вылө внослөн медичөт мында серти Коми Республикаса Велькөдлан котырлөн шуөмөн урчитөм значениеяслысь инөдлы лөсялөмсө да сийөс экономика боксянь подулалөмсө, колө индыны да туявны делөлысь збыльвывса лөөмторьяссө, мый пырө өтувья юрисдикцияа ёрдьяслөн уджмогьясө, да оз пыр Коми Республикаса Оланподув Ёрдлөн компетенцияө, кыдзи сийөс индөма Коми Республикаса Оланподувлөн 96

статьяын да “Коми Республикаса Оланподув Ёрд йылысь” Коми Республикаса Оланпаслӧн 3 статьяын.

3. Кызди Россия Федерацияса Оланподув Ёрд тӧдчӧдліс 2016 во косму тӧлысь 12 лунся 10-П №-а аслас шуӧмын, федеральной оланпас дасьтысь уна патераа керкаын жыръяс кыин кутысьяслы уна патераа керкасын ӧтувъя эмбур капиталнӧя дзоньталӧм вылӧ быть мынтан взноссӧ, кызди жырйысь да коммунальной услугаысь мынтысян торъя юкӧн, пыртӧгӧн босьтіс тӧд вылӧ сійӧс, мый татшӧм взноссӧ оз вермыны лыддыны вотӧн либӧ ӧктасӧн сы вӧсна, мый сылӧн абу тайӧ мынтӧм сикасьяслы лӧсялана признакъясыс.

Стӧчджыка кӧ, Россия Федерацияса Оланподув Ёрд индіс, мый вотыс колӧ, медым канму вермис сӧвмыны, да лоӧ инӧд боксянь аслас сикас серти эмбур босьтӧм вылӧ оланпасӧн подулалӧм сьӧмӧн, мый колӧ сы могысь, медым могмӧдны публичной власьтлысь рӧскодсӧ, кутшӧмӧс быть колӧ збыльмӧдӧны, бергӧдтӧг, водзӧстӧг, да, пырджык, сылӧн абу стӧча индӧм торъя могыс. Сэк жӧ, чуктӧсыс, кызди и вот, оланподув серти лоны вермана публичной нога мынтӧмӧн лоигӧн, кутшӧмӧс мынтӧны сьӧмкудйӧ оланпасӧн урчитӧм кӧсйысьӧмъяс серти, инӧд боксянь аслас сикас серти лоӧ эмбур босьтӧм серти сьӧмӧн, мый колӧ, медым могмӧдны публичной власьт органъясӧн либӧ мукӧд уполномочитӧм власьт органӧн либӧ чина йӧзӧн сійӧс мынтысьяс серти юридической боксянь тӧдчана вӧчӧмторъяс вӧчӧмсӧ.

Сійӧ, мый йитчӧма уна патераа керкаын ӧтувъя эмбур капиталнӧя дзоньталӧм вылӧ взносьяскӧд, то налӧн инӧда сикасыс мӧд пӧлӧс: взносьяслӧн уна патераа керкаын ӧтувъя эмбур капиталнӧя дзоньталӧмсӧ котыртӧмысь да нуӧдӧмысь быть мынтӧмӧн лоигӧн, налӧн абу публичной нога мынтӧмъяслы лӧсялысь водзӧстӧмлун признакыс да найӧ колӧны, медым мынтыны ӧтувъя эмбурлӧн важмӧм конструктивной элементъясын жугалӧмторьяссӧ бырӧдӧм могысь (уна патераа керкаын стрӧитчан

конструкцияяслысь да инженерной системаяслысь торья элементяяс пыртөмөн), сы лыдын налысь уджалан характеристикаяссө бурмөдөм могысь найөс бөр лөсьөдөм либө вежом могысь торья уджыяс збыльмөдөм да услугаяс сетөм серти рөскодсө, да татшөм ногөн – видзны уна патераа керкасө санитарной да технической корөмьяслы лөсялөмөн, мый медводз лөсялө татшөм керкаын жырьяс кыин кутысьяслөн интересьяслы.

Таысь кындзи, уна патераа керкаын өтувья эмбур капиталной дзоньталөм вылө взносыясыс торьялөны вотысь да өктасысь сыөн, мый найө оз вуджөдсыны сьөмкудийө, а вуджөдсьөны либө кредитной организацияын (банкын) торья тшөт вылө, либө дінму операторлөн торья тшөт вылө капиталной дзоньталан фонд лөсьөданног серти, кутшөмөс бөрийөмаось уна патераа керкаын жырьяс кыин кутысьяс (Россия Федерацияса оланін кодекслөн 170 статьяса 3 юкөн), наөн оз позь вөдитчыны канмулысь либө муниципальной юкөнъяслысь уджсө сьөмөн могмөдөм вылө, а колө видзны сөмын сійө могьяс вылө, кутшөмьяс йитчөмаось уна патераа керкаясын өтувья эмбур капиталной дзоньталөмсө котыртөмкөд да нуөдөмкөд.

Россия Федерацияса Оланподув Ёрдлысь вылынджык вайөдөм инөда видзөдлассө төд вылө босьтөмөн “2020 во вылө Коми Республика мутасын меститчысь уна патераа керкаясын өтувья эмбур капиталной дзоньталөм вылө взнослысь медичөт мындасө урчитөм йылысь” Коми Республикаса Вескөдлан котырлөн 2019 во өшым төлысь 20 лунся 616 №-а шуөмлөн 1 пунктса положениеяссө сійө юкөнын, көні найө урчитөны 2020 во вылө “Усинск” кар кытшса муниципальной юкөнын уна патераа керкаясын өтувья эмбур капиталной дзоньталөм вылө взнослысь медичөт мындасө, оз позь донъявны, кызди Коми Республикаса Оланподувлөн 47 статьяса предписаниеяслы лөсявтөмөн да шыөдчысьлысь, кызди вот мынтысьлысь, инөдьяссө торкысьөн.

Гижөм вылө подуласьөмөн, Коми Республикаса Оланподувлөн 96

статьяса 3 юкөнө, “Коми Республикаса Оланподув Ёрд йылысь” Коми Республикаса Оланпасын 66 статьялөн 1 юкөнө, 68 статьялөн 1, 2, 3 да 4 юкөнъясö, 69, 91, 93 да 94 статьясö кутчысьömөн, Коми Республикаса Оланподув Ёрд

шуис:

1. Лыддыны “2020 во вылö Коми Республика мутасын меститчысь уна патераа керкаясын öтувъя эмбур капиталнöя дзоньталöм вылö взнослысь медичöт мындасö урчитöм йылысь” Коми Республикаса Велькöдлан котырлөн 2019 во öшым тöлысь 20 лунся 616 №-а шуöмлысь 1 пунктса положениеяссö сийö юкөннын, кöни наён урчитöма 2020 во вылö “Усинск” кар кытшса муниципальнöй юкөннын уна патераа керкаясын öтувъя эмбур капиталнöя дзоньталöм вылö взнослысь медичöт мындасö, Коми Республикаса Оланподувлы лöсяланаён.

Индöм положениеясса оланподула-инöда вежöртасыс, кутшöмöс восьтöма тайö Шуöмөн, лöö ставлы быть олöмö пöртанаён да сийöс инöдөн вöдитчан практикаын мöд ногөн гöгöрвоöмыс лоны оз вермы.

2. “Коми Республикаса Оланподув Ёрд йылысь” Коми Республикаса Оланпаслөн 73 статья серти тайö шуöмыс лöö бöрьяён, сийöс оз позь обжалуйтны, сийöс йöзöдöм бöрын дзик пыр вынсялö, уджалö веськыда да сийöс оз эскöдны мукöд органён да чина йöзөн.

3. “Коми Республикаса Оланподув Ёрд йылысь” Коми Республикаса Оланпаслөн 72 статья серти тайö Шуöмсö дзик пыр колö публикуйтны “Коми Республикаса канму власьт органьяслөн индöд-тшöктöмьяс” журналын да йöзöдны “Öтуввез” юöртан да коммуникация везйын Коми Республикалөн официальной сайтын “Коми Республикаса канму власьт органьясөн примитöм инöда актьяс, мукöд официальной юөр лыддьöг” сетевöй изданиеын (<http://law.rkomi.ru>).

Коми Республикаса Оланподув Ёрд

Пас лыд – 15516 Королева